

諸暨縣志卷三十七

人物志

列女傳二

國朝

陳烈婦王氏

何氏二烈婦

王烈婦陳氏

余烈婦吳氏

姚烈婦黃氏
陸節婦張氏

郭烈婦蔣氏

陳烈婦俞氏
徐烈婦

顧氏二烈

秋桂

磨石山三烈

傅烈婦蔣氏

應氏

斯烈婦黃氏

郭烈婦周氏

朱烈女

燕窠烈婦周陳氏陳應氏

長清嶺烈婦

潮阮烈婦

戴玉萼

端娘

諸暨人物志

列女

徐昭華

何九娘

胡慎儀

朱節婦沈氏樓氏

陳節婦石氏
周節婦楊氏

姚孝婦徐氏
趙節婦周氏
應節婦俞氏

陳節婦趙氏

石節婦駱氏

陳節婦傅氏
趙節婦楊氏

朱孝婦駱氏
蔣孝婦黃氏
樓孝婦湯氏
許節婦壽氏

駱孝婦余氏

徐氏
錢氏

鄭孝婦鄺氏
鄭孝婦壽氏
郭孝婦王氏
樓節婦余氏
樓節婦陳氏
袁節婦陳氏
孟節婦陳氏
金烈婦廖氏

陳孝婦潘氏
鄭孝婦胡氏
陳孝婦魏氏

虞孝婦阮氏
張孝婦趙氏
錢節婦蔣氏

孟節婦陳氏

趙節婦楊氏

駱節婦樓氏
蔣節婦孫氏
袁烈婦趙氏

金烈婦廖氏

陳烈婦朱氏

蔣節婦趙氏
袁烈婦趙氏

酈節婦周氏

石烈婦華氏
郭氏

趙節婦羅氏

周節婦戚氏
陳節婦何氏

陳節婦周氏
胡節婦郭氏

馮節婦蔣氏

余節婦周氏
趙節婦周氏

姚節婦孫氏
何節婦趙氏

陳節婦楊氏
俞節婦蔣氏
郭氏

趙節婦壽氏
魏節婦宣氏

程烈婦馮氏

馬烈婦章氏

吳烈婦周氏
王烈婦傅氏

方烈婦蔣氏

程烈婦馮氏

傅節婦張氏

蔡節婦沈氏
徐節婦楊氏

朱烈婦楊氏

邱烈婦傅氏
陳烈婦徐氏

鄭節婦丁氏

陳烈婦王氏

張義烈俞氏

陳孝婦駱氏

郭孝婦章氏

張大家

余孺人樓氏

余孝婦何氏

婦孟氏

宣烈婦宋氏

傅烈婦俞氏

楊貞女

樓貞女

黃貞女

婦胡氏

丁貞女月嬙

姒孫節婦
章氏許氏

李貞女

柴貞孝

顧貞烈

壽貞女鳳姑

張貞女

湯貞女大姑

孫貞女

周貞女
斯貞女

呂貞女

趙孝烈珠姑

趙孝姑端先

樓節婦魏氏

諸暨人物志

列女

宣孝婦黃氏

某氏

金節婦鍾氏

章節婦俞氏

族婦陳氏

酈節婦蔣氏

酈節婦章氏

趙節婦章氏

陳節婦胡氏

王節婦陳氏

應節婦孟氏

俞氏

應烈婦方氏

蔣節婦傅氏

子婦劉氏

傅節婦羅氏

黃節婦大小何氏

陳貞惠湯氏

楊節婦樓氏

陳烈婦蔡氏

何孝女二姑

黃孝婦郭氏

樓節婦阮氏

朱節婦金氏

子婦金氏
孫婦陳氏

錢節婦駱氏

錢孝婦趙氏

呂節婦酈氏

蔣宏烈妾李氏

趙媵

王節婦壽氏

子婦周氏
孫婦邊氏

柴烈婦高氏

陳烈婦王氏古竹里人歸鯉湖橋陳耀數年陳卒會明季盜賊竊發猝至其里掠烈婦拽置馬上大慟曰我乃爲賊所拽耶痛哭求死賊笑不答投地求死不得行數里至長塘躍入清潭死時順治甲申六月十四日也越五日族人殮其屍蠅蚋不附顏如生章陶集

何氏二烈婦者一何瑞上妻駱氏一何汝輝妻黃氏汝輝者瑞上姪也俱早卒順治甲申邑被兵二烈婦皆匿吳家陂兵至撥荆棘得黃氏拽之堅不出刺以戟黃厲聲曰我斷死荆棘中耳兵怒亂刺之遂遇害駱挺身出罵賊賊又殺之乾隆府志

王烈婦陳氏王祖念妻順治乙酉方國安據越士卒縱橫不法里人多避入山烈婦倉卒攜子行質弱不能前遇兵於沼間豔其姿

諸暨人物志

列女

三卷三十七

說使從正色拒之兵變色烈婦凝立不動擬以刃無所畏兵驚異睨視良久而亂軍杳至知不免遂置其子於地躍入沼中死越月附家人言曰方氏肆虐逼我至死我得訴於天矣踰年方敗陶芳集

余烈婦吳氏高湖余長三十一妻也順治丙戌爲遊騎所掠置馬上去余追及之烈婦遙謂曰吾必不相負速去毋兩傷余悲之輪金求贖賊既利金復豔婦姿睨視久之忽揮刀斷余首挾烈婦行至花山下烈婦視旁有深潭奮躍斷縛投潭死諸生陸廷茂嘉其節收殮之張夢憶岱爲作三不朽圖贊是年姚瑞芝妻黃氏亦被掠不屈投蘿村池死陶芳集陸廷茂殮余節婦後旋卒兵騎充斥妻

張氏奉舅姑攜幼子東西竄處屢被兵逼卒全其節章志

郭烈婦蔣氏諸生郭增妻也出避難遇遊騎於林間將汙之蔣奪刀自殺騎憤不得逞而陳守義與妻俞氏匿其旁騎殺守義以亂

前俞乘間抽刀刎頸死

幽芳集

徐烈女者徐承明女也遊騎至其鄉

烈女被掠縛馬上過全湖跳躍斷縛投水死

章志

顧烈婦者長瀾石聖八女陡壘顧英奇妻也年十五歸英奇逾年夫卒與英奇再從弟某聘妻姚烈女居甚相得姚烈女者姚公步人家貧待年於顧年十四成人矣且有志操以故烈婦善之丙戌六月朔邑被兵烈婦謂姚曰若之何姚曰避之避而不免若何曰死之烈婦曰死吾分也翁無人焉養之蓋英奇父世俊老且無子故云是日世俊出偵不返二人鍵戶居薄暮聞叩門聲急曰秋桂也秋桂者姓蔡氏鄰婦顧張氏婢也時從張走孤山恐二人不免中途返曰二姑不知耶兵至三港口矣二人聞之大驚倉卒南奔烈婦曰去將何之不如死秋桂西指曰江匯蘆葦中可匿也問何以渡曰嚮走隄上見村北泊小艇因疾趨刺艇渡入葦兵已環里

諸暨人物志

列女

四

卷三十七

肆掠號哭聲震江岸矣時鄰嫗亦多匿於匯驚悸失魄泥首蒲伏無人狀夜午雞聲出葦中烈婦驚曰此何時猶戀此耶因謂秋桂曰吾二人不能行止死於此汝急行毋致累秋桂曰死則同死耳然小艇固在且乘晦避之秋桂往駕艇於匯之中港所謂磨心潭也期二人乘之逸而二人心悸股慄不能前又夜冥迷所嚮反覆顛蹶蘆葦中比出葦又陷於淖秋桂急返權迎之掖烈婦入艇而數十輩沿江列炬掠船操白刃驅馬洶洶濟水來姚曰吾年少女得死爲幸卽躍入潭死秋桂從之烈婦仰天泣曰婦今不得事翁矣復躍入兵相顧錯愕驅馬返而鄰嫗得免先是潭當四水之交激蕩至深不可測自三烈死水東徙不入潭旋成大阜至今屹立

江中

幽芳集

磨石山三烈婦者蔣奇瑞妻駱氏兒子茂柏妻葛氏順治丙戌賊

至其里避入磨石山賊搜得之不屈同赴磨石潭死賊無所得窮搜山谷間則茂琳及妻楊氏伏叢樹下茂琳者茂柏同產兄也賊殺茂琳劫楊去曰從我則生楊曰一門在鬼錄奚生爲至中途奮躍入金家潭死

傅烈婦者蕭山蔣氏女年十四歸湄池傳河源烈婦出自傳河源者舅子也歸九月而河源卒翁姑繼歿無所依遂還母家順治丙戌越中被兵母女同赴蔣家池死幽芳集傳有益妻應氏亂兵至恐被辱投屋側池內死浙江通志

斯烈婦者姓黃氏上林斯曰福妻也順治丁亥賊據東白山出寇上林曰福攜家避不及被殺賊豔婦欲妻之烈婦曰我今無依君丈夫也願託然義不野合有家在資收備請從我歸賊喜隨烈婦命亭下潭深不測烈婦急挈子女及婢銀桂躍入潭死幽芳集

諸暨人物志

列女

五卷二十七

集當烈婦之誘賊歸也其姑隨之行及死姑亦隨之投潭須臾浮水面如乘筏然次日兵退獲救邀求人覓婦尸見婦端坐潭中作結趺狀子女及婢以次序坐婦旁新纂

郭烈婦者姓周氏郭維魁妻也順治辛丑九月

王師勦楊四兵過花亭劫烈婦去踰五鳳嶺將出邑境矣烈婦乘閒抱子投厓兵覺挾上馬烈婦哭曰願以淨身死故土兵怒斧其首墮厓死血漬谿巖殷如硃

朱烈女者孝子樓墨林聘妻康熙甲寅議親迎請期蓋十月三日也七月四日墨林與弟承叔殉父死楊六之難訃至烈女歎曰得死所矣餘不一語夜侍母寢母撫慰備至烈女曰遭此大變能如此則爲人否則非人矣何傷焉母寢乃退紉衣裾自縊死樓志幽芳集

燕窠烈婦者姓陳氏農家女也初生有道人以符授其父曰異日

遺女可禦神武女稍有識向母索符不得父驚烈婦曰父弗怪生死命也既長歸藏綠鳴周士亨甲寅三月耿逆叛朱德甫結碧紫

閭

王師討平之朱成龍復以數萬眾踞紫閭號神武紫閭去藏綠二十里烈婦聞而疑之既而曰燕窠僻且神武在者庶幾其免告士亨徙焉自是賊勢日張邑令劉餘璣初任諸暨未察實倉皇申報曰西路皆賊於是諸軍悉聚焚掠無算烈婦雖避母家聞之益自疑知同山練壁堅周氏往者十七八謀諸嫂應氏曰告若兄曰不及雖然無憂也我僻壤小民簞壺迎諒弗殲我俄而兵至盡掠其婦女六十餘人烈婦曰命也隨而行至雪塘曰得死所矣置兒於道側縱身入塘死兵曰烈婦也以手加額去有頃應氏踉蹌至見女尸亦躍入塘死明日士亨與婦兄陳瑞芝迹之兒尚呱呱泣不諸暨人物志

列女

六卷三十七

止收兩屍神如生邑令趙倭旌其閭曰雙烈同清

新纂

長清嶺烈婦者失其姓里康熙十三年土寇朱德甫踞紫閭山官兵進勦有一卒攜良家婦并其幼子於馬後婦且行且謂卒曰吾既被獲從汝固佳但夫止一子必來俟其至以子歸之然後任汝欲卒許之行可半日至長清嶺夫奔前請於卒以子付夫度去遠投巖死

浙江通志

潮坑烈婦者忘其父家夫姓陳氏居潮坑康熙甲寅寇至豔婦色殺其夫逼使從烈婦給曰吾夫已死惟汝是從然有子在當得鄰姥屬之夫屍未葬葬畢乃可寇使以其子屬鄰姥遂焚其廬投屍於火語烈婦曰爾夫已火葬矣烈婦即躍入烈燄中死

樓志

戴玉萼字綠華甬東人歸邑諸生余蔭祖有謝外寄春衫詩曰窄袖春衫小樣新勞君遠寄別離身幾回對鏡增長歎不是當年綺

麗人讀之增伉儷之情又有送外之河北詩曰一輪冰鑑滿照見物華新入幕君甯貴持家我固貧素絃揮寶瑟清淚掩羅巾去去還無恙前途有故人則又孟德曜桓少君之流也新纂

端娘者廣陵陳氏女年十二鬻於姑蘇木商商母解詩文教女讀端娘侍久之知書及笄買唐宋人小詩晨夕諷誦遂工五七言摹趙松雪帖通星學湄池傳昇以數百金買爲妾相從渡江端娘饒姿工言笑昇嬖之所居臨湖築亭湖甯種竹數千竿閒植桃李花藥滿階砌與端娘聯吟其中客至輒令端娘侍引滿浮白刻燭賦詩一時有樊素小紅之譽明末兵起流離奔竄亂定歸里廬舍燬昇賣詩文端娘提簍拾柴爲人推星命以給食數年昇歿端娘賣澣裙以殮家貧無子食窮苦守而口不言貧青裙白髮衣無纖塵經日絕爨必爇煙以通竈突有餽以錢米者辭不受其度歲詩曰

諸暨人物志

列女

七
卷三十七

索米搬柴又一年形容無復故時妍今朝隨例重梳洗羞把梅花插鬢邊可想見其志趣矣傳學沈傳

徐昭華字伊璧性好詩蘭自號蘭癡上虞徐徵君咸清女其母則商太傅女景微也著有承雛堂集與女兒祁忠敏夫人商景蘭俱能詩景蘭女祁湘君子婦張楚纓朱趙璧詩什播海內而皆無專集繼起者則昭華與其舅妹商雲衣也雲衣又早亡綠窗集乃掇拾所得零翠碎玉珍祕無多惟昭華爲毛奇齡女弟子才又甚高下筆都利如遙林秀樹使人彌望不能卻咸清嘗宴奇齡於傳是齋酒半昭華請試題爲命二題一擬劉孝標妹贈夫詩曰流蘇錦帳夜生寒愁看殘月上闌干漏聲應有盡雙淚何時乾又曰芙蓉花發滿池紅黛煙香散度簾櫳畫眉人去遠腸斷春風中一傲六朝賦得拈花如白生詩曰明珠照翠鈿美玉映紅妝步移搖彩色

風迴散寶光蛛絲髻上繞蜨影鬢邊翔誰道金玉色皆疑桃李香
又請題會昭華畫蜨遂命題畫蜨五絕限東韻昭華立成詩曰蜨
蜨翻飛去翩翩絲筆中雖然圖畫裏渾似覓花叢奇齡次其韻曰
滕王有遺譜描之深閨中羞煞東園蜨翩翩滿綠叢宴畢又書二
絕句於傳是齋曰四十年來老自驚新收門下女康成不知書面
繖花好試看階前帶草生深堂樺燭照銜卮隔幔新吟畫蜨詩不
是小鬟頻乞試那知閨閣有陳思初昭華讀瀨中集畢詩曰臙脂
花落覆紅蠶獸頸初垂火自含坐對西河才子句渾如秋月照澄
潭又曰少小曾觀白石詞蘆中人去竟如斯溧陽浣女空相殉悔
不先吟瀨上詩奇齡次其韻曰秋霜如雪裹冰蠶石闕高嶠口重
含不道美人居洛水能憐才子在昭潭欲唱迴波未有詞鹽車無
復聘雞斯向非道蘊真才女若箇能吟中散詩嘉興曹侍郎榕曰
諸暨人物志

列女

八

卷三十七

左嬪蘇若蘭後文章之盛無如昭華者昭華又善鑒山陰童鈺時
方卅角抱之膝上口授唐詩謂此子異日必以詩文名世已而果
驗所著有徐都講詩花閒集鳳凰于飛樓詩若干卷堦駉襄錦字
佳采諸生陳迦陵所謂問其桑梓于春西子之鄉詢彼絲蘿四傑
駉丞之堦也毛奇齡宿傳是齋贈佳采詩曰開卷煙雲集當軒花
樹明贅爲齊地客少傳義烏名永夜看揮塵論年及請纓閨中有
徐淑莫忘述婚情時工詩者推盛唐王錫而西河謂俱不及昭華
以其解唐人法外意也昭華所寄改詩西河輒爲留稿名徐都講
集爲之作序又爲著傳是齋受業記據毛西河集上虞縣志駉氏譜宋長白柳亭詩話纂
何九娘楓橋諸生駉師洙妻伉儷甚篤有寄遠詩曰關千閒倚日
偏長別後相思苦斷腸願得化爲松上鶴隨風容易到君旁新纂徐昭
華輓何九娘詩芳魂飛上大羅天不獨才郎泣斷絃霜冷齊眉青
玉案塵生簪鬢翠花鈿妝臺賸粉香雖散篋底新詞韻必傳聞道

關雎不復詠仍還仙界卻青蓮賢母名高鍾郝同辛勤勸子苦丸
熊身歸碧落情無限絃斷瑤琴曲未終楊柳煙消楓澗月梨花豔
落葶蘿風欲尋鏡裏手
姿面只可相看圖畫中

胡慎儀字石蘭山陰胡天游從妹也父世繹籍大興官元城教諭
遂家於燕與天游妹慎淑字景素慎容字臥雲俱擅詩名稱越中
三才女後歸楓橋諸生駱烜隨夫客嶺南臥雲與之俱霜郵露驛
擘箋和詩語多窮愁旣而烜客死攜家及五櫬北歸撫臥雲女思
慧爲女讀其歸裝過庾嶺詩曰五櫬十三人艱危仗此身經年淚
洗面百感痛傷神江左無茅屋燕南有老親如何千樹雪不似去
時春可謂極閨中之苦境矣蔣編修心餘中表弟也石蘭嘗寄詩
曰如何疏散臥江皋卻負詩中一世豪沽酒每聞捐玉佩濟人時
復典宮袍文星下界耽遊戲娉姊天涯苦鬱陶消受吾鄉巖壑美
玉堂風月未宜拋時蔣方主講越中故云所著有石蘭集與臥雲

諸暨人物志

列女

九卷三七

紅鶴山莊集竝行於世

新纂

朱節婦沈氏歸朱濂無子爲娶妾樓氏濂以暴疾卒沈氏終養舅
姑撫二叔成立年八十餘卒樓亦同守五十年而歿

章志

陳節婦石氏夫祖法卒撫舅側室子祖霖無殊所出祖霖生子鞠爲子

石作硯傳

周節婦楊氏年十八歸周元士婚七年元士卒遺孤及季弟皆幼
氏左乳叔右乳孤皆撫之成立姚孝婦徐氏年二十夫大彰卒家

貧事姑極孝養叔年十二撫之成立姚其子元升爲後守節三十
一年而卒

樓志

陳節婦趙氏年十五歸陳士元士元患癩生一子而
卒婦撫叔逾於所生

允都名教錄

趙節婦周氏南城趙兆秀妻也生一

女而夫卒舅年逾七十無他子婦泣請於姑爲舅納妾生叔震年
四歲頭出血晝夜涔涔不止殞命者數婦泣禱於江東東嶽廟願
以身代甫回家震痊而婦病卒夫婦人無子而撫叔冀以延夫祀

也若楊氏趙氏以有子而撫叔則奇矣而趙節婦之事爲尤奇

新纂

石節婦駱氏楓橋人幼敏慧通列女傳訓詁歸邑東門浮橋石帝建生一子一女帝建販茶之京卒於旅舍櫬至哭盡哀絕而甦者再旣念夫遺有孤爲曰易爲嬰難乃勉爲其難無何遺子殤誓以死守寒暑一樓非春爨不下梯如有年會邑富人謀續娶倩鄰媼爲地舅意動節婦聞之泣曰新婦誓爲舅子守節歷有年所今復作此紛紜是新婦誠有未至也然此事關大人門戶亦非小終不肯效人事二夫視顏立人世時女長及案度可供使令卽攜居樓雖春爨亦不下矣每日米數升薪一束使女下汲取火作糜課鍼線相資度日足迹不出戶外者復十餘年迺卒前一日謂女浴我浴竟使女啟舅姑與娣姒作別旣死母啟衣蓋已屬襦於裙密綴之如跗注預爲殮日計也時當盛暑天欲雨蒸熱雷殷殷作

諸暨人物志

列女

十卷三十七

聲衣旣連不可啟而殮具未易猝辦越三日殮色如生人皆異之

石作

陳節婦傅氏歸諸生陳烈年二十夫亡婦守貞五十年居一

樓足不踰戶口不見齒鄉里私謚爲貞淑

章志

趙節婦楊氏年二十

三夫友齊卒守節撫孤樓居四十一年人無見其面者

樓志

應節婦

俞氏夫汝愷卒欲殉不得乃於里中構三層樓額曰顯志挈女居

其上寒暑不下語鄰媼曰絕壁百仞壯夫畏登猛虎驅之雖素怯

者扳之而上矣一橋橫江柱欹湍急行人卻步如遇大兵掠其後

則飛度如康莊如此者冀免其身也吾恐失身惴惴如遇猛虎大

兵其在層樓安於絕壁危橋矣居樓五十餘年年八十卒

石作

鳴

呼自吾邑有孟貞女而柏樓之名滿天下石節婦諸人其繼起者

也猛虎大兵卓然名喻知守身之道矣題曰顯志於是應氏之樓

屹然與柏樓並峙

駱孝婦余氏者御史余紹孫女楓橋駱錫光妻也與同族孝子駱
怙妻趙氏駱運龍繼妻陳氏皆以割股療姑獨駱黃庭妻徐氏姑
病將割股爲婢見泣曰割股被人知不效姑得毋不起也強和藥
進果勿療同邑割股者如孝婦族人駱公球妻錢氏及朱雲望妻
駱氏鄭復修妻酈氏則以舅陳素存妻潘氏虞采章妻阮氏蔣元
璜妻黃氏酈一俊妻壽氏鄭允卿妻胡氏張士鎧妻趙氏樓文博
妻湯氏則以姑而有效有不效命也若郭國屏妻王氏陳大乾妻
魏氏則皆以割股療姑而不能療舅豈非天意哉錢宋肅妻蔣氏
許鬻妻壽氏又以夫病割股弗效守志數十年此天之尤留意也
又有樓節婦者鄭復修女也夫亡節孝終身人謂承母教云新纂
孟節婦陳氏邑諸生孟立志妻立志早亡順治丙戌歲旱貸粟三
百餘石乾隆辛未歲饑袁節婦余氏亦捐振二百金余故惠州太
諸暨人物志

列女

士卷三十七

守毓浩女孫嫺閨訓歸袁紹唐生子淇十有三日而夫歿撫孤成
立同邑蘭臺里趙嘉禾母年七十諭子勿爲壽但出粟五百石以
振飢民駱遐音妻樓氏樂嘉橋人子賡颺以舉人官福建長樂縣
知縣年二十二而寡族人駱名高創社倉於楓橋每歲除給貧族
人米若干斗 饑難徧給族稍疏拒勿與婦聞其事罄倉得米千
餘石徧給之蔣節婦陳氏早寡成夫三槐志捐田獨建義塾蔣節
婦楊氏磨石山蔣邦達妻年十九寡光緒丁丑捐田建樂善亭於
方村庚辰又建清風亭於十里牌此皆生長素封貞淑而明大義
者也若蔣節婦者家貧而好義里有代客貿布而亡其金將鬻子
以償節婦聞之罄已資完其骨肉則事爲尤難矣節婦姓孫氏夫
蔣義卒時節婦年二十五守節二十三年而歿

金烈婦廖氏歸金子俊遇強暴死傳烈婦山陰華氏女歸涓池傅

煥照家貧夫患瘵烈婦不得已傭於杭暑月僦釣舟回里櫂入江
心舟子顧無人思辱婦婦投江死煥照至杭迹知舟子爲何四鳴
諸官陳穎通妻朱氏家貧穎通外出氏獨居山莊鄰無賴子豔婦
色假事入其室頻挑之氏憤自經死袁烈婦趙氏夫曰東山江東
人一日夜膳畢持鐙就寢甫闔戶鄰無賴子突自帳中出婦駭號
無賴子逸去越二日婦縊石烈婦王氏歸石大傳大傳客雲南族
人大鳳往借器物語褻烈婦忿訴於翁曲喻之止鄰婦倪氏笑之
烈婦愧自縊事

聞五烈婦

旌如例部議華氏生貧賤倉卒幽僻中臨大節不可奪殺何四小
舟著編籍著爲令大鳳戍邊倪氏予杖殺廖氏者論抵而無賴子
卒倖免當時鞠華氏獄者錢唐令鮑鳴鳳能吏也故乾隆五十二

諸賢人物志

列女

主 卷三十七

年申賸獨詳

據章志名教錄節孝錄纂

後有章昌瑜妻羅氏者亦以遇強暴服

滿卒

新纂

鄭吉士妻周氏婚甫一月夫亡舅姑論改適周正色引古列女傳
截髮毀容以自免駱國華妻郭氏夫病革屬他適氏號泣斷髮誓
曰有孤可撫我何求哉夫歿遂絕膏沐諸生趙育德妻蔣氏夫歿
剪髮納棺以死自誓周遇暉妻戚氏胡永安妻某氏葛蕃妻濮氏
陳洪先妻何氏陳首安妻周氏皆截髮守志夫婦人不幸而寡又
不幸而致自戕其身其志固有所不得已也是八人者後皆以節

終節

據樓志章志錄纂

馮節婦蔣氏夫繼茂歿婦年未二十伯氏謀奪其志節婦堅持不
移遺腹生子艱苦數十年撫孤成立余節婦者亦出蔣氏歸高湖
余祚曾夫亡撫孤炳成立後中乾隆乙酉舉人趙節婦者姓周氏

諸生趙益宏繼妻年二十二夫歿撫前室子駿逾於己出駿患奇疴周晝夜調護艱苦教養守節三十餘年而卒姚節婦孫氏歸姚庭年二十二夫歿父母逐歸逼令嫁前期一日忽失所在覓之已投池中半殭矣懼送還姚苦守撫孤四十二年而卒陳節婦楊氏年十七廢於陳十九而寡嫡遺一子甫三歲節婦食貧撫孤稍長爲娶於趙子婦俱早卒遺一孫又撫之成立爲娶於袁袁又卒復娶馮抱曾孫焉年八十卒趙節婦壽氏生子甫七月夫用和卒家故饒戚族有覬覦者節婦以禮自衛撫孤全家年七十始卒用和族某女歸何御彩生子市月而御彩病歿俞汝相妻蔣氏夫卒年十九皆撫孤成立魏節婦姓宣氏歸魏聚成未及歲夫歿越十二日遺腹生子彭年艱辛苦守至四十八歲適卒彭年已成立矣夫婦人不幸而無夫則以保孤爲重程嬰杵臼之難易可知也若楊

諸暨人物志

列女

三

卷三十七

氏者以妾媵撫嫡子子死撫孫輾轉以延陳氏之血食其事不尤

難哉

據名教錄乾隆府志樓志節孝錄纂

馬烈婦姓章氏年十七歸馬瑞龍甫一年而瑞龍病烈婦百計禱治無效及病革烈婦適舉子瑞龍起視之仆遂卒烈婦慟哭覓死者屢矣姊妯規以撫孤乃忍死治喪未二月子又殤烈婦方撫棺哭其母踰牆來坐未定遽諷以微詞烈婦色變默不語有頃起入廚白縊死吳烈婦周氏年二十二夫陳友亡烈婦忍死養姑未幾姑病歿喪畢二孤又相繼殤慟哭曰未亡人所以不卽死者將代夫養母延吳氏血食耳今若此何以生爲遂自縊郭芳芝妻章氏夫病刲左股和藥以進卒不起忍死治喪未旬日孤殤仰藥不死引縊又不死卒吞鉛死程赤城妻馮氏家貧赤城客死杭州烈婦號泣奔喪無舟資一日夜徒行百數十里鬻赤城衣裝扶柩歸越

數日子死無可爲計絕粒五日死王賢哲妻傅氏年二十一而寡生一子家貧姑又悍令改適堅不從越四年子殤姑曰今絕嗣留奚爲鄰村某豔婦色賄其姑約定烈婦忽投繯死方烈婦蔣氏年二十六夫玉相卒誓死殉旣念姑老子幼強忍守志越二年長子殤甫殤次子病劇姑以哀痛臥疾烈婦倉遽無可爲計夜投池水死及晨家人得其尸顏如生衣褶連綴面浮水手足無纖泥比殮子病忽愈姑健逾常時嗚呼天旣傷其夫又天其孤何酷也或曰此所以成其烈也而方烈婦次子之病卒以母死獲痊

據乾隆府志節孝錄

纂

傅節婦張氏年二十三而夫愉歿無子夫兄憬惟一子無可繼者傳苦守至六十歲而卒蔡節婦沈氏年十七適蔡世昌越兩年世昌歿無子夫兄世法舉二子一已出繼沈無可繼者又越二年世

諸暨人物志

列女

古

卷三十七

法復舉子天禧沈乃抱裹血兒鞠爲己子教之成立守節四十餘年年七十卒徐節婦楊氏歸清泉徐某生一子某痛從父伯兄之無後也嫂宣氏茹苦守志以其子嗣之未幾死楊號哭血淚俱迸旣而哭無子於邑不出聲慮傷宣氏心也及子娶婦生二子長歸宣氏次爲節婦孫夫夫死而無子又無姪可繼婦人之至不幸也而以沈絜張則幸矣若楊氏者始有子而無子卒無子而有孫何始不幸而終幸歟

據樓志節孝錄纂

朱烈婦楊氏幼育於朱舅卒哭泣如成人稍長父死號泣奔喪告族長爲父立後及婚夫兆誠惑於術數以婦命不利於己決意出之烈婦泣告姑曰婦不能事夫夫何足惜第蒙教養未酬萬一死不瞑目耳夜自縊死邱烈婦傅氏夫甫誤罹刑網罪當辟婦匍匐陳情乞以身代格於例夫伏法自刎死陳烈婦徐氏夫秉道比於

匪以擣蒲傾家烈婦泣諫不悛一日鄰嫗給之曰某家索博進甚急汝夫已鬻汝家饒無憂衣食矣烈婦信之遂自縊鄭節婦丁氏年二十七歸鄭興洲越二年興洲兄某與無賴子爭興洲出而排解之無賴子舍兄而戕興洲婦大慟欲以身殉旣念冤未白強忍之夫兄訟官置弗理發憤卒節婦泣然曰撫子守節吾分也夫以兄死而冤不雪亦吾責也遂挈子走訴府府下縣而縣仍未結案節婦痛哭渡江控司讞屢翻始終四載艱苦備嘗無賴子始論抵如律守節至六十餘歲始卒夫婦人不幸而不得於其夫與夫強死無所依而以死報之亦事之最可憫也若鄭節婦者忍艱苦以雪夫之冤而卒以全節終庶足對死者而無憾矣

據節孝錄鄭氏譜纂

陳烈婦王氏年十五歸陳賓賓世儒家閨中以書史相詰難略通大義能詩歌閱五載賓疾革屬曰吾兄弟無行爾守不易曷若改

諸暨人物志

列女

五

卷三十七

圖烈婦不答會畫工傳賓容氏請并繪己容圖成色喜持示賓曰君死安歸此吾志也已而賓卒越三日殮如禮卜殯烈婦曰遲之樞柩堂一夕人定從容步靈筵者數帀瞻顧低徊久之入室賦絕命詩曰自許同歸去不願在人世乞葬夫之旁連理黃泉地賦畢援筆書簡遂自縊踰時家人救不及得詩裾閒翁姑見而憐之因殮而合窆焉

禮志

張義烈者俞氏女及笄而歸張仲卜仲卜沈疴勿可藥俞徬徨不知所出詣社廟禱請身代玟勿許稽首血淋漓溢額得吉玟稽首

謝仲卜瘳而俞竟卒鄉人私謚曰義烈

馮夢祖蒼源勝草

陳孝婦駱氏太僕寺少卿方璽孫女事父甚孝歸諸生陳人熙人熙父檄老多病孝婦扶搔湯藥滌廁澣衣事必躬親夜闌背燈侍立舅不睡不退也每歸甯遇肥鮮輒不舉箸母知其意遣使饋陳

則色喜歷數十年如一日舅及孝婦聞日必至殯所薦時食遇風雨則凝立而泣霽乃歸

新纂

郭孝婦章氏浣東郭允龍妻姑患乳癰孝婦衣不解帶者數月病危禱神割股和藥以進遂愈知縣朱屢旌其門曰誠孝格天有豪家傭婦過其居遺金釵一股綴珠數十粒覓不獲豪家繫傭送官允龍歸述其事婦遽起曰釵遺吾家時方午飯趨夫罷食往告出傭婦於獄

乾隆府志

張大家江東陳氏女張子宜妻也張嗜書大家緝澣統佐張讀張偶舉列女傳視大家則曰婦道歸順卽周南首數什已盡之何事多爲張補博士弟子員負笈讀於寶珠橋宗塾俄患病慮父母知治於館旋死使至一家哭問故又哭有頃大家服常服請於君舅君姑奔喪於館舅姑欲與俱大家止之曰死者有知必不安不可

諸暨人物志

列女

六

卷三十七

哭盡哀止遂俱行三十里至於館大家入門左升自西階臨尸哭盡哀止舅姑出而問宗人大家立牀左東嚮而復者再遂殮於塾東側室哭盡哀止出柩停阼階請於君舅君姑先柩行乃攜二子復進張讀所檢架上經部卷若干史部卷若干子部集部若干卷一一成帙顧二子曰此汝父手澤也置諸篋拜張先生於堂降自西階出門左觀者環堵哭而不哀人曰此寡婦也歟哉何其不野哭也或曰是禮也旣至家成禮大家辟踊哭不止舅姑哭喪子二子哭喪父一家號咷良久大家撫柩曰吾欲見而地下吾何爲不死雖然舅姑老子幼吾欲見而地下吾何爲乎死自是強顏順舅姑終夜哭無聲人曰此寡婦也歟哉何其不夜哭也或曰是禮也事舅姑垂數十年無纖豪不當意或疾嘗藥扶搔未嘗委閭婢至終喪祭盡禮束二子於教以是窟窟成就無違禮年七十餘卒人

以其嫻禮教也呼之爲張大家趙裕先是取逆達命陷溫州浙東賊猖起富室多移資人城大家潛蓄錢粟以金授子宜曰縣爲利藪賊必攻白垵吾宗也凶年售產賤告舅速市莊田明春託種移家官不能禁也賊至謀恐無及矣舅善而從之未幾賊果攻縣富室被劫獨張氏得全人尤服其遠見云

孝感里志

余孺人樓氏邑諸生寒芬繼妻也樓故楓橋望族父文彬娶明遺獻張陶庵岱女生孺人好讀書嫻內則孺人承母教性敏謹能詩小楷學曹娥碑辰陽令若山先生毓澄寒芬伯父也與文彬同里居聞其女賢適寒芬白郡往省方失偶若山卽爲聘之年二十婚於辰陽官署逮歸謁舅姑甚得歡心寒芬前妻壽遺三子三女撫之如己出歷十餘年舉三子二女而寒芬病孺人割股進不效遂卒家中落舅春秋高子女甫成童幼者在襁褓孺人曰書是吾家

諸暨人物志

列女

七 卷三十七

事令諸子日就傳夜手續口舉日閒所讀書大旨使繹之長子斌補弟子員有文名孺人曰是未可以言學且少者甚穢不治也東裝遣師石燼餘燼餘者名作硯邑名宿也旣至館彬彬有禮度石歎曰賢哉母也行且光大浣公之門矣浣公寒芬祖余御史縉字也後家益窘斌遊學會稽仲季復出就師修脯絡繹於道皆孺人衰年手力心計措之斌刻勵益摯中乾隆丙辰舉人以教習分發南河仲季皆學有根柢而孺人始卒年六十有九生平勤苦治家暇則讀書青山章陶造其廬見几案間隨處置一編問諸子曰吾母所翫以事置之者也內有物異纂異百卷世無刻本皆孺人手錄書法之遒麗則素所稱工小楷者不及也

章陶傳

余孝婦何氏山陰峽山人歸高湖余鳳凰弟稷娶舅之女曰孟孝婦後何數年歸余氏與姒相得甚姊姒其奉姑也侍櫛沐奉盤匱